



VEDTEKTER FOR BARNEHAGANE I HJELMELAND KOMMUNE

Revidert i K-styret 22.06.16

§1 EIGAR

Hjelmeland kommune eig og driv dei kommunale barnehagane, og rådmannen er ansvarleg for at drifta er i samsvar med gjeldande lovar, rammeplan for barnehagen og vedtekter. Kommunestyret godkjenner vedtektene.

Styrar er dagleg leiar for den einskilde barnehage.

§ 2 FORMÅL

Barnehagane i Hjelmeland blir drivne i samsvar med § 1 Formål i lov om barnehagar, rammeplan og gjeldande forskrifter.

§ 3 SAMARBEIDSUTVAL

Samarbeidsutvalet består av fem medlemmer. Foreldrerådet og dei tilsette vel to representantar kvar. Ein politisk representant er observatør, valt av kommunestyret.

Styrar har møte- og forslagsrett og fungerer som sekretær for utvalet. Valperioden er eitt år.

Samarbeidsutvalet skal vere eit rådgjevande, kontaktskapande og samordnande organ og skal handsame saker med verknad for barnehagen. Samarbeidsutvalet skal godkjenne ein årsplan for den pedagogiske verksemda i barnehagen.

§ 4 FORELDRERÅD

Barnehagane skal ha eit foreldreråd. Foreldrerådet består av foreldra/dei føresette til alle barna i barnehagen. Foreldrerådet kan kvart år velje eit arbeidsutval. AU vel sjølv leiar.

§ 5 OPNINGSTID

Barnehageåret fylgjer skuleruta. Den normale opningstida til barnehagane er frå kl. 07.30 til kl.16.15 fem dagar i veka. Utover dette må det søkjast spesielt.

Unntak frå opningstidene: barnehagane er stengd på heilag- og høgtidsdagar, julaftan og på merkedagar (1. mai). På nyttårsaftan og onsdag før skjærtorsdag er det stengd frå kl. 12.00.

Barnehagane har fem plandagar i løpet av eit barnehageår. Då er barnehagane stengd.

Alle barn skal ta ut fire ferieveker i løpet av eit barnehageår. Tre av desse skal vere samanhengjande. Dei 5 planleggingsdagane vert rekna som den eine ferieveka.

§ 6 OPPTAKSREGLAR

Kommunen pliktar å tilby plass i barnehage til barn under opplæringspliktig alder som er busett i kommunen, jf. §12a i Barnehagelova. Ein føresetnad for retten til barnehageplass er at ein har søkt barnehageplass for barnet innan fristen for hovudopptaket som er **1. februar**. Opptaket skal vere klart **15.mars**. Søkjarar ved hovudopptaket blir som hovudregel tildelt plass frå nytt barnehageår og fram til skulestart for barnet. Barn busette i andre kommunar må søkje om plass kvart år. Søknaden skal rettast til avdeling for Oppvekst via kommunen sine nettsider. Vedtak kan klagast til Formannskapet. Klagen skal sendast via rådmannen.

Barnehagane på Fister, Hjelmeland og Årdal høyrer til same opptakskrets. Jøsneset og Jøsenfjorden er ein opptakskrets.



Dei som ikkje får plass ved opptaket eller får anna tilbod enn dei primært har søkt om (annan barnehage eller anna opphaldstid), blir sett på felles prioritert venteliste. Den som står øvst på den felles ventelista til ei kvar tid, får først førespurnad ved ledig plass, uavhengig av kva dei primært har søkt. For seint innkomne søknader blir til vanleg sett nedst på ventelista. Unntaket er barn som flyttar til kommunen eller har fått endra situasjonen sin i opptaksperioden og nå fyller krava til prioritet etter § 13 Prioritet ved opptak. Dei skal vurderast som om søknaden var komen i rett tid.

§ 7 OPPTAKSKRITERIUM I PRIORITERT REKKEFØLGJE

Prioritet vil seie rett til fast plass i ein bestemt barnehage.

1. Barn med prioritet etter § 13 i Barnehagelova:
 - Barn med nedsett funksjonsevne etter sakkunnig vurdering
 - Barn det er fatta vedtak om etter lov om barnevernstenester §§ 4-12 og 4-4, 2. og 4. ledd.
2. Prioritet på grunnlag av dokumentasjon frå hjelpetenesta (helsestasjon, barnevern, lege, PPT) gis til:
 - Barn med utsett skulestart, Opplæringslova, §§ 1.2 og 2.1, tredje ledd
 - Barn frå familiar med store belastningar i form av sjukdom eller funksjonshemming.
 - Barn frå språklege og kulturelle minoritetar, for å styrke språkutviklinga og integreringa.
 - Barn med moderate vanskar som etter fagleg tilråding kan få eit tilpassa opplegg i barnehagen.
3. Barn som søker heil plass.
4. Barn med einslege forsyttarar.
5. Eldre barn går føre yngre barn.
6. Søsken av barn som allereie har ein barnehageplass eller som søker om plass samtidig.

§ 8 AREALNORMER

Alle arealnормene skal vere i samsvar med «Forskrift om miljøretta helsevern i barnehagar og skular» (F3-98). Barnehagen skal ha ei arealutnytting inne på min. 4 m² netto leike- og opphaldsareal pr. barn over 3 år, og 5,3 m² pr. barn under 3 år. Uteareal bør vere om lag 6 gonger opphaldsarealet inne.

§ 9 BETALING

Betalingssatsane for opphald i barnehagen og søskenmoderasjon vert kvart år vedteke av kommunestyret i samband med budsjetthandsaminga. Dei til einkvar tid oppdaterte gebyra/betalingssatsane og prosent for søskenmoderasjon finn ein på heimesida til kommunen.

Matpris er ikkje del av moderasjonsordninga.

Det vert gitt søskenmoderasjon etter nærare reglar. Moderasjon omfattar heil- og halvsøsken som bur fast saman. Søskenmoderasjon skal gjelde uavhengig av om barn går i same eller i forskjellige barnehagar i kommunen.

Foreldrebetaling skjer forskotsvis kvar månad. Betalingsåret er 11 månader.

Kommunen følgjer «Nasjonale ordning for reduksjon i foreldrebetaling» knytt til hushald med låg inntekt.

§ 10 MANGLANDE BETALING

Manglande betaling kan føre til at barnet mister plassen i barnehagen.

§ 11 OPPSEIING

Skal eit barn slutte i barnehagen, må plassen seiast opp skriftleg med minimum 3 månadar varsel frå den første i månaden. Det skal betalast for kvar påbyrja månad.

Plassen kan seiast opp gjennom heile barnehageåret. Det må betalast i oppseiingstida.